


Sa stòria bera de sa Befana




De meda e meda, in una domigedda in mesu a su sartu, biviat una feminedda bècia chi fut sempri sola e chi non tratat cun nisciunu. Sa porta e is fentanas de domu sua furint sempri serradas, prus che totu in s'ierru, candu niat e tirat bentu.

Una note frita de gennàrgiu, calincunu iat tocau a sa porta. Issa si fut assuconada, poita no aspetat a nemus! E chini podiat èssiri? Timis timidus iat abertu e si fut agatada de sa nanti tres òminis beni bestius in gropas a tres camellus.



Furint is Tres Urreis! Sa becigedda ddus iat fatu imbucai in domu po si caentai e po ddus cumbidai. Issus dd'iant ringratziada e dd'iant narau ca furint andandu a strinai su Pipiu Gesùs, su Rei de is Reis, chi fut nàsciu po sabai su mundu. Però iant perdiu de vista sa Stella Couda e no isciant prus acantu andai.

Sa feminedda bècia no iat bitu nisciuna stella couda e no isciat nudda de su custu Gesùs chi fut nàsciu po sarbai su mundu.




Tandu unu de is Tres Urreis dd'iant preguntada chi issa boliat andai cun issus po ddu connòsciri e po ddu strinai. Sigomenti fut fritu meda sa becigedda iat

nau ca nou. Poi fut dereta de pònniri pani e durcis a còiri in su forru e duncas non podiat andai.

In cussu momentu sa stella couda fut torrada a bessiri in celu, inditendu su caminu a is tres cogus chi iant saludau e iant sighiu su biàgiu insoru.

Ma pagu a pustis sa feminedda si fut arrepenia de no àiri acetau sa proposta de is Tres Urreis. Tandu, candu is durcis furint brontus, nce ddus iat postus totus a intru de unu sacu e fut bessia a ddus circai. Su sacu però fut grai meda, duncas dd'iat acapiau a su mànigu de sa scova e su dd'iat carriau a pala.



Is Tres Urreis però nci furint giai sciaddius e non fut arrenèscia a ddus sighiri. Però iat tocau sa porta de totu is domus chi agatàt in caminu, lassandu una giuntigedda de durcis po ogra pipiu, cun sa speràntzia chi unu de cussus èssirit Gesùs.

Custa fèmina si naràt Befana, e de tandu, d-ònnia annu, sa noti de s'Epifania, bessit a circai a Gesùs e si firmat in ogra domu acantu ddui tenit unu pipiu po ddi lassai un'arregalu.

